



## KEMENTERIAN PERTANIAN DAN KETERJAMINAN MAKANAN

*Ministry of Agriculture and Food Security*

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan  
62624 PUTRAJAYA,  
MALAYSIA

No. Telefon : 03-8000 8000

No. Faks : 03-8888 6020

Laman Web : [www.mafs.gov.my](http://www.mafs.gov.my)

## SIARAN MEDIA

### MAFS TERAJU DIALOG KOMPREHENSIF ANTARA PEMEGANG TARUH SEKTOR PERTANIAN BERKAITAN PENGURUSAN PEKERJA ASING

**PUTRAJAYA, 15 FEBRUARI 2023** – Kementerian Pertanian dan Keterjaminan Makanan (MAFS) telah mengadakan Sesi Dialog Industri Agromakanan dan Taklimat Khas Penggajian Pekerja Asing Sektor Pertanian di Dewan Serbaguna MAFS, Putrajaya. Sesi Dialog ini dirasmikan oleh YB Tuan Chan Foong Hin, Timbalan Menteri MAFS dengan dihadiri oleh 400 orang pemain industri pertanian meliputi sub-sektor tanaman, ternakan dan perikanan serta ketua-ketua jabatan/ wakil kementerian berkaitan.

Sesi ini bertujuan untuk menyampaikan maklumat yang tepat dan terkini mengenai pengurusan pekerja asing kepada pemain industri sektor pertanian serta tindakan-tindakan yang perlu diambil oleh mereka sebagai majikan yang bertanggungjawab.

Kerjasama diadakan bersama wakil enam (6) Kementerian/Jabatan/Agenzi untuk berkongsi maklumat berkaitan pengurusan pekerja asing yang sering dibangkitkan oleh pemain industri sektor pertanian merangkumi perkara seperti berikut:-

- (i) Pelaksanaan Pelan Kelonggaran Penggajian Pekerja Asing oleh Kementerian Sumber Manusia (KSM);
- (ii) Pelaksanaan Seksyen 60K, Akta Kerja 1955 (Pindaan 2022) dan Akta Standard Minimum Perumahan, Penginapan dan Kemudahan Pekerja 1990 (Akta 446) oleh Jabatan Tenaga Kerja Semenanjung Malaysia (JTKSM);
- (iii) Prosedur Permohonan Penyediaan Penginapan Pekerja Jangka Pendek oleh Jabatan Perancangan Bandar dan Desa (PlanMalaysia), Kementerian Pembangunan Kerajaan Tempatan (KPKT);
- (iv) Pelan Rekalibrasi Pendatang Asing Tanpa Izin 2.0 oleh Jabatan Imigresen Malaysia (JIM);
- (v) Prosedur FOMEMA oleh Fomema Sdn. Bhd.; dan
- (vi) Tatacara permohonan Modul FWe Approval dan Modul eQuota dalam Sistem FWCMS oleh Bestinet Sdn. Bhd.

Sesi dialog dan taklimat khas ini juga boleh ditonton secara maya melalui *platform FB Live* MAFS dan Zoom Webinar. Disamping itu, dua (2) *booth* khusus dibuka oleh Jabatan Tenaga Kerja Semenanjung Malaysia (JTKSM) dan Bestinet Sdn. Bhd. bagi membolehkan pemain industri pertanian mendapatkan maklumat lanjut dan khidmat nasihat bantuan teknikal yang berkaitan pengurusan pekerja asing. MAFS sentiasa memastikan tahap keterjaminan makanan negara kekal terjamin melalui usaha sama yang utuh daripada pelbagai pihak yang terlibat dalam sektor pertanian.

**KEMENTERIAN PERTANIAN DAN KETERJAMINAN MAKANAN**

**15 FEBRUARI 2023**